

Sunntigschind

Dr sunntig isch no jung und ich ha ring unter de auge
Setz mi ins auto lo s mixtape lo laufe und... automotor?
fahr richtig dreisptiz im ohr nas is like... Nas ist like!
was ich weiss hüt wird gschuftet wie hafearbeit
doch zerscht fahri verbie an etliche familie ussflüg
und sie gniesse d natur ich seh divärsi züg -
vorem studio ufem abstellgleis vor sich hi roschte...
und während us mir reims sprudle sin sie am tee choche
denn chum ich zur tankstell wos zum tor inegoht
doch wie immer ischs zue ich und wart vorne bim shop
so - hani no zit zum paar sache iz kaufe
denn ich cha am sunntig nur rappe bim kaffi verdaue
und - seh der mike grad ifahre und s tor isch offe
butterbräzel derzue merci bis inre wuche...
und so fahre mir vorwärts richtig musiklabor
wo unser baby uf d wält kunnt dank flissig support
ich mach d arbet am mic mike macht arbet am mac
und was ich am table nit check macht mi dj perfekt
ich bi der meischter im text wo buechstabe ersetzt
er isch meischtens am samples usgrabe fürd tracks
und - isch der freez am start dank sim job
-gits erscht moll kaffi trotz termindruck
freez: *kaffi isch fertig, wotsch no zucker drzue?*
denn er managed mit uns nordring besser als jah
und wär das do in frog stellt wird stress mit uns ha
denn die richtigi planig git eim e rächte schub
und entlaschtet eim dopplet wiene fläschezug
so ergänze mir uns sound unse einzige wunsch...
während anderi spaziere gön mir der wäg vo der kunscht
wär weiss was no kunnt doch **mir** drei sin gwappnet
ziehn unser ding dure au wenn dir drüber lachet
hän scho viel erläbt ich weiss no ufem barfiesserplatz
unse erschte grosse ufftritt sin d stars in der stadt
damals no mitem detain uf desse erbe ich blick...
und wär er döt nit derbi gse ich hätt ihn derbe vermisst
er wächslet no e minute vorem ufftritt sini strophe
well er angscht het er vergisst sie neue text wie bim probe
dr dritti im bund wock leider uf lanzarote...
während mir uf dr büni stön stoht är ufem tanzbode
animation isch arbeit das lerne mer trotzdäm au
- är mit de urlauber und mir mit der crowd
schlussänlich klappt alles s wird volle erfolg und
dank em radiomitschnitt strahle mir vor wonne wie gold
mir hän s erschte moll geschafft was mir hän erreiche welle
well mir dä wäg bewusst gwählt hän wie weichesteller
danach freestyle sessions ufs tape füre fritz
denn er goht furt ind staate und uf tape chömer mit
das ding gits no hüt doch tönt no schlächt und komisch

was nit dra liggt dass medium no ächt analog isch
doch - wär stört das scho mir checke zur zit viel
sin witterhin am reime und rappe zum bischbil...
im bündnerland e open air nach drei stunde schlof
mien als erschti döt sie well der sound check plan stoht
egal mir sin derbi jo gärn mr chömme sicher
stön am morge frie döt und wär fählt isch der mischer...
s isch e chleini waldliechtig wo bitz weschtlich vo chur liggt
und d nacht dure lauft sound was ansich no cool isch
denn wemmer schlofe ligge mer alli sicher im zält
doch damits guet tönt isch wieder dr mischer wo fählt
am negschte morge findemern es isch chum zum glaube
diräkt vor der boxe und was er misch isch zum rauche
-es isch trotzdäm eins vo mine beschte erlänbis
der gruess goht an chur mit unser beschte empfänglich
danach die negschti stuefe stön ufem gliche flyer
mitem gräis baze taz und au mitem black tiger
dank an die lüt ohni die mer suscht nit so werä
die ganzi mango crew wo musik pusht wie verstärker
doch - näbe all de guete zitte bim rappe
gits au schlächti vo dene me sich nit ka verstecke
wär d fahne witer dreit isch der mike und ich
und deswäge lose dir jetzt das tichte release
also sunntigschind- mir hoffe dass es dir guet goht
wenn mir dich ind wält entlön – es isch e muetprob
au für uns du treisch unsi kreative gen...
und jede agriff uf dich isch au für uns e problem
mir spiegle uns in dir wie inere suubere pfanne
und s isch nit immer eifach gse als musikhebamme
bi der geburt gits stress wos halt eifach git
wemme s bescht useholt wie bimene keiserschnitt
und mir taufe di nachem tag wod ufd wält ko bisch
welld in uns zwei pragmatischi elterä hesch
du söllsch **nit** ghänslet wärde jo du bisch anderscht...
doch au sälbschtbewusst zum derzue z stoh wiene punker...
also enttüscht uns nit mir wärde di ewig liebe
s isch e stück vo unsem läbe womer uf cd kopiere